

### **Was merr su babbeld**

Honnes, gugg emol.  
Ja. Was iss?  
Gugg emol uff dess Ding doo owwe.  
Was ferr Ding?  
Ei wo merr sieht wie kalts drauße iss.  
Unn? Ah ja, dess zeicht nix oo.  
Isch deets awwer gern wisse.  
Was deedsde gern wisse?  
Ei wie kalts drauße iss.  
Doo werrn die Batterie vumm Sender ...  
... vunn dem weiße Ding uff de Fensterbonk?  
... kabutt soi, Isch mach neie enoi.  
Zeich merr mol wie dess gieht  
Loss nor, isch mach dess.  
Isch will awwer wisse wies gieht.  
Isch holls eroi. Su.  
Wo mächt merrn dess uff?  
Doo hinne.  
Unn wie mächt merr dess uff?  
Meddem kloone Schrauwezieher.  
Wart isch holl dern.  
Breng merr vunn dene kloone Batterien mett.  
Wiiffell vunn dene?  
Zwaa Stick.  
De Schrauwezieher unn zwaa kloone Batterie.  
Donkeschee. Gugg, su werrds uffgemachd.  
Ah ja. Machs widder zu.  
Warum donn?  
Weil ischs emol uffmache will.  
Gut. Isch machs zu. Machs uff.  
Ja. Jetz mach isch die zwaa aide Batterie raus.  
Unn mächt zwaa neie enoi.  
Jetz sinnse droi. Unn jetz?  
Driggsde die Klapp widder zu.  
Klick hotts gemacht.  
Gut. Jetz mussde wadde.  
Uffwas?  
Bis dess Ding gemerkt hott, dasse sende muss.  
Ah ja. Wie long dauert dess?  
Su zwaa Minudde. Saach emol?  
Was iss?  
Warum willsde dess donn alles wisse?  
Weil merr was joo nitt was bassierd.  
... unn de Honnes nimmi doo iss, gell?

Honne422

Ja, doodriwwer hawwe merr awwer geschwätzt  
Aach dass dir ebbes bassiem konn, ja.  
Aach doodriwwer hawwe merr geschwätzt.  
Unn mir hawwe aach driwwer geschwätzt ...  
Iwwerwas?  
Dass merr uns Zeit losse wolle.  
Ja, weil dess Sterwe jetz su deier worrn iss.  
Mir missde doodegeesche demonstriern.  
Odder streike.  
Wie, streike?  
Dass merr all in Flerschem uns oonisch sinn...  
... nimmi ze sterwe. Dess wär gut.  
Die deede gons schee dumm gugge.  
Die vunn de Stadt? Dess glaab isch aach.  
Unn donn missde se vunn de Preise runner.  
Isch dues schunn vor mir seh ...  
Ei was donn?  
E Oozeisch im Flerschemer Blättche.  
Oh ja. Sonderangebot: Ihr Leit sterbt jetz!  
Unn nitt erst später. Weils billischer worm iss.  
Unn die schreiwe dezu: SALE! SALE!  
SALE, oh ja. Dess deet isch gern noch erlewe.

Eiern Honnes